

Su bestiri antigu de Tortolì de colorai



Torramus a propònnere, cun calicunu aggiornamentu, s'opùsculu dedicadu a su bestire antigu de Tortolì. In custu artìsculu ais a lèghere calicunu cunsideru e calicuna nota istòrica e culturale comente anteprima de su traballu chi agatades alliongiadu.

Tortolì s'agatat in sa costa centru orientali de sa Sardigna. Gràtzias a su portu de Arbatassa (Portu), est collegau cun s'Itàlia e cun s'Europa. Est a làcana cun Gelisuli e Lotziorai a nord, cun Biddamanna, Elini e Irbonu a ovest, a sud cun Bari.

Su comunali su est de 40 chilòmetrus cuadraus, belle totu logu paris. Candu pensaus a Tortolì e a Portu, nosi benint a conca in deretura is Perdas Orrùbia e a is spiàgias de Urri, chi belle ogha annu bìncint sa bandiera Blu po is arenilis prus bellus de Sardigna e de Itàlia.

Tortolì in su tempus colau est stètia su centru politicu, culturali, econòmicu e religiosu de s'Ogliastra, e oi puru est sa citadi prus manna e importanti de su territòriu, cun una populatzioni formada de genti chi benit de totu is biddas de ingiriu e de foras puru. Tortolì, peri irricendu de bonu coru a totus, sighit a poderai cun orgòllu s'identidadi linguistica e culturali sua, e a mandari a in antis is traditzionis e is usàntzias antigas.

Una de custas traditzionis est sa de costumu sardu chi si boleus presentai in custu opùsculu, dedicau a is piciocheddas e a is piciocheddus de is iscolas de s'Infàntzia e de sa primària de Tortolì. Su traballu est stètiu contivigiau de s'Ufitziu Limba Sarda de Tortolì (TuLis 2023- L.482/99 e LR 22/2018), gestiu de sa Sotziedadi Suia de Ivan Marongiu e e Alessandro Podda, paris cun su sòciu Grupu Folk Sant'Anna Tortolì. S'associatzioni est nàscia su 26 de mesi de argiolas 2011 in ocasioni de is Festas in onori de Sant'Anna. Su grupu, formau de 40 personis tra mannus e piticus, de su 2013 abrontat sa manifestatzioni "BALLUSU A MUNCARORI E BERRITTA", lòm pia a sa de °IX Editzionis. De su 2018, su sòciu organizat SA FESTA de Sant'Anna, eventuu chi paris cun "BALLUSU A MUNCARORI E BERRITTA", tenit su scopu de valorizai sa citadi de Tortolì, prus che totu sa parti prus antiga de sa bidda. Su grupu Folk Sant'Anna sighit sempre a portai a innanti sa circa de is modas e de is bestiris antigus chi funt cambiaus in is sèculus.

Custu opùsculu non tenit s'obietivu de donai una descritzioni cumpleta e a sa minuda de su bestiri traditzionali de Tortolì, chi iat a bolli meda prus tempus. Si tratat, prusaprestu, de unu progetteddu didàticu cuncordau po is piciocheddus de is scolas a s'acurtziai a sa limba sarda scritta. Is chi bolint aprofundiri su connoscimentu de su bestiri antigu de Tortolì podint tzerria s'Associatzioni Grupu Folk Sant'Anna.

Si ringratziat s'associatzioni Grupu Folk Sant'Anna, prus che totu a Antonello Doneddu.